

BUXORO VILOYATIDA ICHKI TURIZMNI RIVOJLANTIRISH YO'LLARI

Kosimova Shaxzoda Mirsharipovna
Buxoro Davlat Universiteti,
Turizm (faoliyat turlari bo'yicha) yo'nalishi,
II bosqich magistri

Anotatsiya. Maqolada Buxoro viloyatida mahalliy turizmni rivojlantirish imkoniyatlari va bu borada O'zbekiston Respublikasida amalga oshirilayotgan chora-tadbirlar taqdim etilgan. Buxoro viloyatida ichki turizmni yanada rivojlantirish maqsadida, turizm infratuzilma obyektlarini tashkil qilish, ziyorat turizmini rivojlantirish, yangi turistik marshrutlarni ishlab chiqish, turizm salohiyatini targ'ib qilish va madaniy turizm tadbirlarini tashkil etish yo'nalishlari ko'rsatilgan.

Kalit so'zlar: ichki turizm, turizm mahallasi, madaniy obyektlar, turizm tadbirlari, sayohat dasturi, mahalliy sayyohlar.

Аннотация. В статье представлены возможности развития местного туризма в Бухарской области и меры, реализуемые в Республике Узбекистан в связи с этим. В целях дальнейшего развития внутреннего туризма в Бухарской области обозначены направления по организации объектов туристической инфраструктуры, развитию паломнического туризма, разработке новых туристических маршрутов, популяризации туристического потенциала и организации культурно-туристических мероприятий.

Ключевые слова: внутренний туризм, туристическое соседство, объекты культуры, туристская деятельность, программа путешествия, местные туристы.

Annotation. The article presents the possibilities of development local tourism in the Bukhara region and the measures implemented in the Republic of Uzbekistan in this regard. In order to further develop domestic tourism in Bukhara region, directions for organizing tourism infrastructure facilities, development of pilgrimage tourism, development of new tourist routes, promotion of tourism potential and organization of cultural tourism events are indicated.

Key words: domestic tourism, tourism neighborhood, cultural objects, tourism activities, travel program, local tourists.

Mintaqamizda sayyohlik sohasini izchil rivojlantirish, turizm industriyasi va infratuzilmasini yanada takomillashtirish maqsadida Yurtboshimiz tomonidan bir qator dastur va qarorlar tasdiqlangan.

2021-yil davomida viloyatimizga 2 mln 265 ming nafar sayyohlar tashrif buyurgan. Shulardan, mahalliy sayyohlar 2 mln 216 ming nafarni, xorijiy sayyohlar esa qariyb 49 ming nafarni tashkil etib, bu ko'rsatkich 2020-yilga

nisbatan ichki turizmga qariyb 9,3 baravarga, xorijiy sayyohlar soniga nisbatan 3,6 baravarga ortgani kuzatilgan.¹

2021-yilning 21-22-yanvar kunlari O'zbekiston Prezidenti Shavkat Mirziyoyevning Buxoro viloyatiga tashrifi davomida hududni ijtimoiy-iqtisodiy takomillashtirish bo'yicha belgilagan muhim vazifalar ijrosi yuzasidan ba'zi ishlar amalga oshirilgan bo'lib, 2022-yilda G'ijduvon tumanida "Qo'rg'on", "Turizm mahallasi", Vobkent tumanida "Shirin etnoturizm qishlog'i" va Ahmad Donish ko'chasida "Turizm ko'chasi"ni tashkil etish ishlari yakunlangan.

Jumladan, O'zbekiston Respublikasi Prezidentining 2022-yil 28-yanvardagi PF-60-son Farmoni bilan tasdiqlangan 2022 — 2026-yillarga mo'ljallangan Yangi O'zbekistonning taraqqiyot strategiyasini "Inson qadrini ulug'lash va faol mahalla yili"da amalga oshirishga oid davlat dasturining 184-bandiga muvofiq Buxoro viloyatida turizmni jadal rivojlantirish bo'yicha alohida dasturni amalga oshirish yo'lga qo'yilgan.² Bunga ko'ra, 2022 — 2026-yillarda xorijiy va mahalliy turistlar sonini 5 mln nafarga, eksport hajmini esa 600 mln AQSh dollariga yetkazish ko'zda tutilgan. Bundan tashqari, Buxoro viloyatdagi 800 dan ortiq madaniy binolarni birma-bir restavratsiya qilish asosiy rejalar qatoridadir.

Yuqoridagi Farmonga ko'ra, 2022-2026-yillarda Buxoro viloyati hokimligi iqtisodiy taraqqiyot va kambag'allikni qisqartirish vazirligi, Qurilish vazirligi bilan birgalikda «Turizm mahallasi», «Turizm ovuli», «Turizm qishloqlari»ning ichki yo'llari, ichimlik suvi va boshqa infratuzilma obyektlarini ta'mirlash ishlarini «Obod qishloq» va «Obod mahalla» dasturlariga kiritiladi hamda uning doirasida tegishli chora-tadbirlar amalga oshiriladi.³

Buxoro viloyatida ichki turizmni yanada rivojlantirish maqsadida (1-jadval), turizm infratuzilma obyektlarini tashkil qilish, ziyorat turizmini rivojlantirish, yangi turistik marshrutlarni ishlab chiqish, turizm salohiyatini targ'ib qilish va madaniy turizm tadbirlarini tashkil etish mumkin.

¹ "Milliy tiklanish" demokratik partiyasi Buxoro viloyati Kengashi raisi, Maxsud MUHAMMEDOV

Manba: <https://mt.uz/yangiliklar/392>

² <https://lex.uz/docs/-6212874#-6217692>

³ <https://advice.uz/oz/document/2847>

1-jadval

Buxoro viloyatida turizm sohasini rivojlantirishning maqsadli ko'rsatkichlari

2022 — 2026-yillarda Buxoro viloyatida turizm sohasini rivojlantirishning maqsadli KO'RSATKICHLARI						
T/r	Ko'rsatkichlar nomi	2022- y.	2023- y.	2024- y.	2025- y.	2026- y.
1.	Ichki turistlar tashrifi soni (mln kishi)	2,4	2,9	3,4	3,8	4,1
2.	Xorijiy sayyohlar soni (ming kishi)	450,0	900,0	1,200	1,500	1 800
3.	Xizmatlar eksporti (mln AQSh doll)	121	200	230	270	300
4.	Joylashtirish vositalaridagi xonalar soni (ming)	5,399	6,131	6,721	7,336	7,976
5.	Mehmonxonalar nomyer fondining bandlik darajasi	45,0	51,0	61,0	71,0	93,0
6.	Joylashtirish vositalaridagi o'rinlar soni (ming)	12,147	13,672	14,902	16,182	17,512
7.	Mehmonxonalar soni (dona)	178	198	218	238	258
8.	Oilaviy mehmon uylari soni (dona)	264	314	325	335	345
9.	Xostellar soni (dona)	55	61	66	71	76
10.	Internet (4G va 5G texnologiyalarini hisobga olgan holda) qamrovi darajasini oshirib borish	7	8	9	10	11

Buxoro shahridagi sobiq “Shahriston” bozori hududida hunarmandlar markazini qurish, muqaddas qadamjolar — Xoja Abdulxoliq G'ijduvoni, Xoja Orif ar-Ravgariy, Xoja Mahmud Anjir Fag'naviy, Xoja Ali Romitaniy, Xoja Muhammad Boboyi Samosiy, Sayyid Amir Kulol, Xoja Bahouddin Naqshband va Chorbakr majmualarida keng ko'lamli qurilish-ta'mirlash ishlari amalga oshirilayapti. Hududning turistik salohiyatini yanada kengroq targ'ib qilish maqsadida “Ipak va ziravorlar”, “Buxoro shahri kuni”, “Qovun sayli” va “Buxoro hunarmandlari” festivallari tashkil etilgan.

Viloyatimizda ichki turizmni yanada takomillashtirish, talabalarning qadimiy tarix, madaniyat va milliy qadriyatlarni chuqur o'rganishi, bo'sh vaqtlarini mazmunli o'tkazishi hamda ularning sayohat qilishga bo'lgan ko'nikmalarini shakllantirish maqsadida, 2022-yilning yanvar oyida Buxoro viloyati hokimligi va Buxoro davlat universiteti hamkorligida “Buxoro bo'ylab sayohat qil! “ shiori ostida sayohat dasturi tashkil etildi. Ushbu sayohat dasturida Buxoro Davlat Universiteti Turizm fakultetining 150 nafardan ortiq talabarlari ko'ngillilar sifatida ishtirok etishgan.



1-rasm. “Xalqaro zardo'zlik va zargarlik festivali”⁴

⁴<https://www.google.com/url?sa=i&url=https%3A%2F%2Fwww.youtube.com>

2022-yilning 21-25-may kunlari Buxoro shahrida “Xalqaro zardo‘zlik va zargarlik festivali” o‘tkazilgan (1-rasm). Ushbu festivalga barcha viloyatlardan 500 mingdan ortiq mahalliy sayyohlar tashrif buyurgan. Ularga qulaylik yaratish maqsadida viloyatlararo maxsus charter-reyslar, qo‘shimcha avtotransport va temiryo‘l qatnovlari yo‘lga qo‘yilgan.

Foydalanilgan adabiyotlar

1. Milliy tiklanish” demokratik partiyasi Buxoro viloyati Kengashi raisi, **Maxsud MUHAMMEDOV**
2. **Manba:** <https://mt.uz/yangiliklar/392>
3. <https://lex.uz/docs/-6212874#-6217692>
4. <https://advice.uz/oz/document/2847>
5. <https://www.google.com/url?sa=i&url=https%3A%2F%2Fwww.youtube.com>